



**KANTONALNI ZAVOD ZA ZAŠTITU
KULTURNO-HISTORIJSKOG I PRIRODNOG NASLIJEĀA
SARAJEVO**

INSTITUTE FOR THE PROTECTION OF CULTURAL-HISTORICAL
AND NATURAL HERITAGE OF CANTON SARAJEVO

Broj: 36-02-01-1598-2/24

Datum: 07.11.2024. godine

Na osnovu člana 20 a. Zakona o radu („Službene novine Federacije BiH“, broj: 26/16, 89/18 i 44/22 i 39/24), člana 3 stav (1), i člana 13. Uredbe o postupku prijema u radni odnos u javnom sektoru na teritoriji Kantona Sarajevo („Službene novine Kantona Sarajevo“, broj: 19/21, 10/22, 28/23 i 32/24), člana 15. stav (1) Kolektivnog ugovora za djelatnost kulture u Kantonu Sarajevo („Službene novine Kantona Sarajevo“ broj: 10/23 i 12/24), člana 48. Pravila Javne ustanove „Kantonalni zavod za zaštitu kulturno-historijskog i prirodnog naslijeđa Sarajevo“ (broj: 02-05-6482-19/13 od 21.03.2013. god., 02-0525821-10/15 od 01.10.2015. god., 02-05-10908-14/17 od 16.03.2017. god. i 11560-5/21 od 27.12.2021. god.), članova 11. i 12. Pravilnika o radu Javne ustanove „Kantonalni zavod za zaštitu kulturno-historijskog i prirodnog naslijeđa Sarajevo“ (broj: 771-7/23 od 11.05.2023. god.), Odluke Vlade Kantona Sarajevo (broj: 02-04-39199-10/24 od 15.08.2024. god. i broj: 02-04-44436-29/24 od 26.09.2024. god.) o davanju saglasnosti Javnoj ustanovi „Kantonalni zavod za zaštitu kulturno-historijskog i prirodnog naslijeđa Sarajevo“ za prijem u radni odnos na neodređeno vrijeme, Odluke Upravnog odbora Javne ustanove „Kantonalni zavod za zaštitu kulturno-historijskog i prirodnog naslijeđa Sarajevo“ (broj: 04-02-1551-2/24 od dana 22.10.2024. god. i broj: 04-02-1331-4/24 Z-07 od 30.08.2024. godine) o raspisivanju javnog oglasa, **o b j a v l j u j e s e:**

**Javni oglas
za popunu upražnjenog radnog mjesta
na neodređeno vrijeme**

I Naziv, sjedište i web adresa ustanove

Javna ustanova „Kantonalni zavod za zaštitu kulturno-historijskog i prirodnog naslijeđa Sarajevo“, Ul. Josipa Štadlera br. 32, heritsa@spomenici-sa.ba, web: www.spomenici-sa.ba.

II Naziv radnog mjesta, opis poslova i uslovi

Javni oglas se raspisuje za prijem radnika u radni odnos na neodređeno vrijeme, prema uslovima iz Pravilnika o unutrašnjoj organizaciji i sistematizaciji radnih mjesta. Oglas se raspisuje za sljedeća radna mjesta:

- 1. Stručni savjetnik za konzervatorsko-restauratorske radove 1 – (jedan) izvršilac**
- 2. Stručni saradnik za zaštitu graditeljske baštine – 1 (jedan) izvršilac**

III Uslovi za obavljanje posla

Pozicija 1. – Stručni savjetnik za konzervatorsko-restauratorske radove – 1 (jedan) izvršilac

a) VSS (VII stepen) ili bolonjski sistem studiranja (prvi ciklus Građevinarstvo sa najmanje 180 ECTS bodova i drugi ciklus Građevinarstvo – smijer Konstrukcije sa najmanje 120 ECTS bodova) ili treći ciklus Građevinski fakultet – Građevinarstvo.

b) Najmanje 6 (šest) godina radnog iskustva nakon sticanja fakultetske diplome.

Opis poslova

- Prati zakonske propise u oblasti zaštite baštine;

- Učestvuje u izradi ili vodi izradu projekata sanacije, adaptacije, restauracije i rekonstrukcije;
- Učestvuje u izradi ili vodi izradu programa zaštite baštine;
- Izrađuje stručna mišljenja i saglasnosti na elaborate, studije i projekte koji tretiraju dobra baštine kao i na sve vrste zahvata koji se izvode na dobrima i njihovoj bližoj okolini;
- Učestvuje u izradi ili vodi izradu studija i elaborata zaštite kulturne i prirodne baštine;
- Učestvuje u zahvatima ili vodi zahvate na dobrima baštine u okviru svojih kvalifikacija;
- Vršiti nadzor nad izvođenjem zahvata u okviru svojih kvalifikacija;
- U procesu rada primjenjuje aktuelne normative, metode i tehnologije;
- Prati aktuelnu literaturu i periodiku i radi na svom stručnom usavršavanju;
- Izrađuje i objavljuje stručne i specijalističke radove kao rezultat kontinuiranog usavršavanja istraživačkog rada u polju zaštite baštine vezanih za djelatnost Sektora i Zavoda;
- Podnosi Direktor, odnosno Rukovodiocu redovne izvještaje o svojim aktivnostima i radu;
- Vršiti druge poslove ovisno o potrebama ostalih sektora u skladu sa Zakonom, Pravilima i ostalim aktima Zavoda, a po nalogu Direktora.

Pozicija 2. – Stručni saradnik za zaštitu graditeljske baštine – 1 (jedan) izvršilac

a) VSS (VII stepen stručne spreme), ili bolonjski sistem studiranja prvi i drugi ciklus sa najmanje 240 ETCS bodova, ili treći ciklus Arhitektonski fakultet

b) Najmanje 1 (jedna) godina radnog staža u struci nakon sticanja fakultetske diplome, i radno iskustvo u oblasti kulturnog naslijeđa

Opis poslova

- Prati zakonske propise u oblasti zaštite baštine;
- Vršiti evidenciju i mapiranje dobara baštine;
- Učestvuje u izradi elaborata valorizacije dobara baštine;
- Učestvuje u izradi prijedloga za stavljanje dobara baštine pod zaštitu;
- Učestvuje u izradi programa zaštite baštine;
- Učestvuje u izradi liste ugroženih dobara baštine;
- Učestvuje u monitoringu dobara baštine;
- Izrađuje stručna mišljenja i elaborate, studije i projekte koji tretiraju dobra baštine, kao i na sve vrste zahvata koji se izvode na dobrima i u njihovoj bližoj okolini;
- Učestvuje u izradi studije i elaborata zaštite kulturne i prirodne baštine;
- U procesu rada primjenjuje aktuelne normative, metode i tehnologije;
- Učestvuje u zahvatima na dobrima baštine u okviru svojih kvalifikacija;
- Vršiti nadzor nad izvođenjem zahvata u okviru svojih kvalifikacija;
- Prati aktuelnu literaturu i periodiku i radi na svom stručnom usavršavanju;
- Izrađuje i objavljuje stručne i specijalističke radove kao rezultat kontinuiranog usavršavanja i istraživačkog rada u polju zaštite baštine vezanih za djelatnost Sektora i Zavoda;
- Podnosi Direktor, odnosno Rukovodiocu redovne izvještaje o svojim aktivnostima i radu;
- Vršiti druge poslove ovisno o potrebama ostalih sektora u skladu sa Zakonom, Pravilima i ostalim aktima Zavoda, a po nalogu Direktora.

Posebni uslovi:

- Poznavanje jednog stranog jezika i rada na računaru (standardni paket MS office) i upotreba specijaliziranih računarskih programa za crtanje i projektovanje, što se dokazuje verifikiranim dokumentom (diploma ili certifikat).

V Prednost u zapošljavanju po posebnim propisima

Prilikom izbora kandidata prednost će imati kandidati koji po posebnom Zakonu o dopunskim pravima boraca-branitelja Bosne i Hercegovine („Službene novine Kantona Sarajevo“, broj 45/12 - Prečišćeni tekst, 26/14, 46/17,

18/19, 20/20, 24/20 - Ispravka i 31/22), Zakona o pravima branilaca i članova njihovih porodica („Službene novine Kantona Sarajevo“, broj 33/04, 56/05, 70/07, 9/10 i 90/17), Uredbi o jedinstvenim kriterijima i pravilima za zapošljavanje branilaca i članova porodica u institucijama u Kantonu Sarajevo, gradu Sarajevo i općinama u Kantonu Sarajevo („Službene novine Kantona Sarajevo“, broj 37/20 i 27/21) i Instrukcijama o bližoj primjeni kriterija vrednovanja prema Uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, gradu Sarajevo i općinama u Kantonu Sarajevo („Službene novine Kantona Sarajevo“, broj 38/20 i 28/21) imaju prioritet u zapošljavanju.

Prioritet u zapošljavanju kandidati dokazuju odgovarajućim dokumentima (uvjerenje/rješenje) koje prilažu uz prijavu na Javni oglas, izdatu od nadležnog organa u skladu sa Uredbom o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, gradu Sarajevo i općinama u Kantonu Sarajevo („Službene novine Kantona Sarajevo“, broj 37/20 i 27/21) i to kako slijedi:

R.br.	Prednost branilačkoj kategoriji	Naziv dokaza - dokumenta	Organ koji ga izdaje
1.	Član porodice šehida/poginulog, umrlog i nestalog branioca	- Uvjerenje o statusu djeteta šehida-poginulog, umrlog i nestalog branioca - Rješenje o priznatom pravu na porodičnu invalidninu za suprugu šehida-poginulog, umrlog i nestalog branioca - Uvjerenje o učešću u Oružanim snagama za šehida-poginulog, umrlog i nestalog branioca	Općinska služba za boračko-invalidsku zaštitu Grupa za pitanja evidencije iz oblasti vojne obaveze prema mjestu prebivališta
2.	Ratni vojni invalid	Rješenje o priznatom svojstvu ratnog vojnog invalida	Općinska služba za boračko-invalidsku zaštitu
3.	Dobitnik ratnog priznanja i odlikovanja	Rješenje o priznatom pravu na mjesečno novčano primanje dobitnika priznanja	Općinska služba za boračko-invalidsku zaštitu
4.	Demobilizirani branioci	Uvjerenje o učešću u Oružanim snagama	Grupa za pitanja evidencija iz oblasti vojne obaveze prema mjestu prebivališta
5.	Dijete: a) ratnog vojnog invalida b) dobitnika ratnog priznanja i odlikovanja c) demobiliziranog branioca	Uvjerenje o statusu djeteta ratnog vojnog invalida Rješenje o priznatom pravu na: a) invalidninu b) mjesečni novčani dodatak c) uvjerenje o učešću u Oružanim snagama	a) i b) Općinska služba za boračko- invalidsku zaštitu c) Grupa za pitanja evidencija iz oblasti vojne obaveze prema mjestu prebivališta

Shodno Uredbi o izmjenama i dopunama Uredbe o jedinstvenim kriterijima i pravilima za zapošljavanje branilaca i članova porodica u institucijama u Kantonu Sarajevo, gradu Sarajevo i općinama u Kantonu Sarajevo („Službene novine Kantona Sarajevo“, broj 27/21) i Instrukcijama o izmjeni i dopunama instrukcije o bližoj primjeni kriterija vrednovanja prema Uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, gradu Sarajevo i općinama u Kantonu Sarajevo („Službene novine Kantona Sarajevo“, broj 28/21) prioritet u zapošljavanju ostvaruju i kandidati:

- Supruge ratnih vojnih invalida, kao člana uže porodice ratnog vojnog invalida /dokumentacija: uvjerenje o statusu supruge RVI-a i rješenje o priznatom pravu na invalidninu / izdaje: nadležna općinska služba za boračko-invalidsku zaštitu.

VI Trajanje radnog odnosa

Radni odnos za navedene pozicijese zasniva na neodređeno vrijeme, prema uslovima iz Pravilnika o unutrašnjoj organizaciji i sistematizaciji poslova i radnih mjesta.

VII Mjesto obavljanja rada i vrijeme rada

Javna ustanova „Kantonalni zavod za zaštitu kulturno-historijskog i prirodnog naslijeđa Sarajevo“, Ul. Josipa Štadlera br. 32, 71000 Sarajevo, BiH, radno vrijeme 40 sati sedmično raspoređenih u pet radnih dana od ponedjeljka do petka.

VIII Iznos osnovne plaće

1. Stručni savjetnik za konzervatorsko-restauratorske radove – 1886,50 KM
2. Stručni saradnik za zaštitu graditeljske baštine – 1732,50 KM

IX Objavljivanje i rok u kojem se podnose prijave

Javni oglas će biti objavljen u dnevnom listu „Oslobođenje“, na web stranici Ministarstva kulture i sporta Kantona Sarajevo, na web stranici poslodavca www.spomenici-sa.ba, na web stranici JU Služba za zapošljavanje Kantona Sarajevo i u Registar javnih oglasa u postupku prijema u radni odnos u javnom sektoru na teritoriji Kantona Sarajevo. Rok za dostavljanje prijave je 10 dana od dana objavljivanja u dnevnim novinama. Oglas će biti objavljen u dnevnim novinama „Oslobođenje“ dana 12.11.2024. godine (utorak).

X Telefon kontakt osobe zadužene za davanje dodatnih objašnjenja

tel:+387 (0)33 475 033, e-mail: heritsa@spomenici-sa.ba

XI Adresa na koju se podnose prijave

Prijave sa dokazima o ispunjavanju uslova iz oglasa slati preporučeno na adresu Javna ustanova „Kantonalni zavod za zaštitu kulturno-historijskog i prirodnog naslijeđa Sarajevo“, Ul. Josipa Štadlera br. 32, 71000 Sarajevo, BiH ili dostaviti lično.

XII Dokumentacija koja se podnosi uz prijavu prema pozicijama

1. Stručni savjetnik za konzervatorsko-restauratorske radove - 1 (jedan) izvršilac

1. Svojeručno potpisana prijava na Javni oglas sa kontakt podacima (adresa, broj telefona i e-mail) i tačnom naznakom pozicije na koju se prijavljuje;
2. VSS (VII stepen) ili bolonjski sistem studiranja (prvi ciklus Građevinarstvo sa najmanje 180 ECTS bodova i drugi ciklus Građevinarstvo – smijer Konstrukcije sa najmanje 120 ECTS bodova) ili treći ciklus Građevinski fakultet – Građevinarstvo (što se dokazuje diplomom – original ili ovjerena fotokopija);
3. Prijevod gore navedene/ih diploma – original ili ovjerena fotokopija.
Napomena: Prijevod je potreban ukoliko je diploma stečena van BiH;
4. Rješenje/a o priznatim inostranim VSS (VII stepen) kvalifikacijama ukoliko su gore navedene diplome stečene van područja BiH – original/e ili ovjerenu/e fotokopiju/e;
5. Biografija (CV);
6. Izvod iz matične knjige rođenih – da nije stariji od 6 mjeseci od dana izdavanja od strane nadležnog organa, osim ako se radi o dokumentu koji je trajnog karaktera, original ili ovjerena fotokopija;
7. Uvjerenje o državljanstvu – da nije starije od 6 mjeseci od dana izdavanja od strane nadležnog organa, original ili ovjerena fotokopija;

8. Potvrda/Uvjerenje od poslodavca o ostvarenom radnom iskustvu u trajanju od najmanje 6 godina nakon sticanja fakultetske diplome. Ugovor o radu, Ugovor o djelu, kopija radne knjižice i slično nisu odgovarajući dokazi da je kandidat ostvario potrebni radno iskustvo.
9. Ovjerena izjava da kandidat nije otpušten iz organa uprave ili javne ustanove kao rezultat disciplinske mjere;
10. Izjava kandidata da je saglasan da se njegovi lični podaci koriste i budu dostupni u javnosti do okončanja procedure javnog oglasa;
11. Dokaz o dopunskim pravima prednosti pri zapošljavanju (više u dijelu „Napomene”).

2. Stručni saradnik za zaštitu graditeljske baštine – 1 (jedan) izvršilac

1. Svojeručno potpisana prijava na Javni oglas sa kontakt podacima (adresa, broj telefona i e-mail) i tačnom naznakom pozicije na koju se prijavljuje;
2. VSS (VII stepen stručne spreme), ili bolonjski sistem studiranja prvi i drugi ciklus sa najmanje 240 ETCS bodova, ili treći ciklus Arhitektonski fakultet (što se dokazuje diplomom – original ili ovjerena fotokopija);
3. Prijevod gore navedene/ih diploma – original ili ovjerena fotokopija.
Napomena: Prijevod je potreban ukoliko je diploma stečena van BiH;
4. Rješenje/a o priznatim inostranim VSS (VII stepen) kvalifikacijama ukoliko su gore navedene diplome stečene van područja BiH – original/e ili ovjerenu/e fotokopiju/e;
5. Biografija (CV);
6. Izvod iz matične knjige rođenih – da nije stariji od 6 mjeseci od dana izdavanja od strane nadležnog organa, osim ako se radi o dokumentu koji je trajnog karaktera, original ili ovjerena fotokopija;
7. Uvjerenje o državljanstvu – da nije starije od 6 mjeseci od dana izdavanja od strane nadležnog organa, original ili ovjerena fotokopija;
8. Potvrda/Uvjerenje od poslodavca o ostvarenom radnom stažu u struci nakon sticanja fakultetske diplome od najmanje jedne godine i Potvrda/Uvjerenje od poslodavca kojim se dokazuje da je kandidat stekao radno iskustvo u oblasti kulturnog naslijeđa. Ukoliko su radni staž i radno iskustvo ostvareni kod istog poslodavca, može se dostaviti jedna objedinjena potvrda;
Ili: Uvjerenje o radnom stažu iz Federalnog zavoda PIO/MIO zajedno sa potvrdom o tumačenju šifre iz Uvjerenja iz koje se vidi da li je kandidat radio sa odgovarajućom stručnom spremom za koju se traži radni staž, uz dodatnu potvrdu poslodavca kojim se dokazuje radno iskustvo u oblasti kulturnog naslijeđa. Ugovor o radu, Ugovor o djelu, kopija radne knjižice i slično nisu odgovarajući dokazi da je kandidat ostvario potrebni radni staž;
9. Ovjerena izjava da kandidat nije otpušten iz organa uprave ili javne ustanove kao rezultat disciplinske mjere;
10. Izjava kandidata da je saglasan da se njegovi lični podaci koriste i budu dostupni u javnosti do okončanja procedure javnog oglasa;
11. Poznavanje jednog stranog jezika i rada na računaru (standardni paket MS office) i upotreba specijaliziranih računarskih programa za crtanje i projektovanje, što se dokazuje verificiranim dokumentom (diploma ili certifikat).
12. Dokaz o dopunskim pravima prednosti pri zapošljavanju (više u dijelu „Napomene”).

Napominjemo:

- Ovjerene fotokopije ne smiju biti starije od šest mjeseci od dana objavljivanja Javnog oglasa;
- Dokumentacija treba biti dostavljena pridržavajući se gore navedenog redoslijeda;
- Ako kandidat ne pristupi usmenom ispitu, smatraće se da je odustao od dalje procedure Javnog oglasa.

Napomene:

Pravo na prednost ostvaruju samo oni kandidati koji pored navedene dokumentacije prilože:

- Dokaz o pripadnosti boračkoj populaciji kao korisnicima prava Uredbe („Službene novine Kantona Sarajevo”, broj 37/20) i Izmjenama Uredbe („Službene novine Kantona Sarajevo”, broj 27/21) – original ili ovjerena fotokopija;
- Prijavu prebivališta/boravišta u Kantonu Sarajevo (ne stariju od 3 mjeseca od dana izdavanja od nadležnog organa) - original ili ovjerena fotokopija;
- Potvrdu o nezaposlenosti JU „Služba za zapošljavanje Kantona Sarajevo” ili da su shodno Uredbi („Službene novine Kantona Sarajevo”, broj 37/20 i 27/21) „zaposleni sa nižom stručnom spremom od one koju posjeduju, ili su zaposlena na određeno vrijeme” – original ili ovjerena fotokopija;

XIII Proces izbora kandidata

Kandidati su dužni dostaviti dokumente u originalu ili ovjerenj fotografiji. Proces izbora kandidata zasniva se na pismenom i usmenom ispitu. Kandidati čija je dokumentacija uredna, potpuna i blagovremena, i koji ispunjavaju uslove iz Javnog oglasa bit će obavješteni elektronskim putem ili putem telefona o datumu i vremenu održavanja pismenog i usmenog ispita. Po okončanju procedure, kandidat koji bude izabran Odlukom o izboru kandidata bit će o tome obavješten pismenim putem, nakon čega je obavezan dostaviti ljekarsko uvjerenje o zdravstvenoj sposobnosti, ne starije od 6 (šest) mjeseci i uvjerenje da se protiv istog ne vodi krivični postupak, ne starije od 6 (šest) mjeseci, kako bi se sa istim zaključio ugovor o radu.

XIV Način predaje dokumentacije

Prijava sa dokumentacijom dostavlja se Komisiji preko Poslodavca lično ili preporučenom poštom na adresu:

**Javna ustanova Kantonalni zavod za zaštitu kulturno-historijskog i prirodnog naslijeđa Sarajevo,
ul. Josipa Štadlera 32 – 71000 Sarajevo
sa naznakom:**

„Prijava na Javni oglas za radno mjesto Pozicija 1. Stručni savjetnik za konzervatorsko-restauratorske radove – ne otvarati”

„Prijava na Javni oglas za radno mjesto Pozicija 2. Stručni saradnik za zaštitu graditeljske baštine – ne otvarati”

OBAVJEŠTENJE ZA KANDIDATE:

Kandidati, čija je dokumentacija neuredna, nepotpuna i neblagovremena bit će pismenim putem obavješteni sa navođenjem razloga zašto pristigla prijava nije ispravna, uz mogućnost uvida u dostavljenu dokumentaciju, u roku od **tri dana** od dana prijema obavijesti.

Napominjemo da se dostavljena dokumentacija neće vraćati.

Pitanja, listu propisa i literature iz oblasti iz koje će se polagati pismeni i usmeni ispit, kandidat može preuzeti na web stranici (www.spomenici-sa.ba) JU „Kantonalni zavod za zaštitu kulturno-historijskog i prirodnog naslijeđa Sarajevo“.



Dr. sci. Boris Trapara, dipl.ing.arh.